


264.03 BIN



MOORE THEOLOGICAL COLLEGE LIBRARY



3 2042 10026380 9

Arthur Capell.
22.3.22.

IA DE KIKI DE

BINADERE GE
MABA, PAPUA.

Prayers, Psalms, Hymns, Catechism, in the language
of Binandere, River Mamba, Papua.



Sydney :
D. S. Ford, Printers, 729 George Street.

1917

I

SIPO BENUNU.

Mamo de Mai de Asisi Kotopu de Dao da. Amen.

Bada, nakare do ewasi:

Keriso nakare do ewasi.

Bada, nakare do ewasi.

Maka natokare

Bawari da nakare kuḍo aibote,

Beiae de nakare toregewasi. Amen.

Benunu tana.

Maka, eiḍa oro Ito da toregato, dubo natokare dada itoro, Ito demo da ategaro, Imo kotopuara, Iesu Keriso Bada natokare awaebo. Amen.

Mamo God, nakare munade jitao avera, Imo jisini eota. Imo teteto sipo gupeira. Nakare benunu tetera. Imo boroko kodade ato nakare ge beiae tanae, ge Ito berari tato gara. Imo Iesu Keriso da Mamo. Amen.

Bada, Maka natokare utu da, God okan jiwaenatopo, boroko sipo nakare tepo kuḍo guḥeta awa, eḡo okan ato aḡo toregedḡo eirato jinaina. Imo eto beiae da dunai ae: adu ari ta eve idegara. Imo Dariga isite gido, rorae natokare ago edo, jisi Ito da beiamana ara; Iesu Keriso Bada natokare awaebo. Amen.

Bada kaenato Iesu Keriso kodade ari, God da dubo. bari edo Asisi Kotopu dada itari, matawa boroko kaenato, edo abo da natopo itaina. Amen.

TURO DE.

Bada natokare, do ebo, Imo matu siteto ebo beiae eima utu da vitai ae. Imo gido nakare matawa ebo beiae. Benunu natokare ego kotebasi: Iesu Keriso matu orega da doritera gido, beiae natokare anana ewasi. Imo Davebo, rorae natokare pie, abari ebo gaoewasi. Muna de jisini ato jinaina ato gido beiamana ara; Iesu Keriso ebo benunu tera. Amen.

BENUNU MISINARI EBO.

Bada, nakare Imo benunu tero jirira, owawa daoteto Basileia Ito New Guinea da aro siakabadae, ewasi beiamana itaredo. Asisimi Kotopu apuregewasi; adu ge gisini eite isi. Ito demo da itare. Imo kodade edo ge Ito gara.

Ebo ge Ito gido Dao de ajijigero dubo jiwasi: matawa kotebedo Imo ewasi, eraro rorae teka ara.

Ekalesia ebo matawa Australia da itero benunu asisi, piari asisi piewasi, kodade ari ebo jiwae wasiri Ito da wotaro, asisiisi awaëbo besiteta dada kudo gubara, Imo Mamo ae Asisi Kotopu daë, Bada natopo itota. *Amen.*

BENUNU NASI DA.

Bada natokare God, matu siteta ebo jiwae Ito iai da iarata ara. Nakare beiae etero anana ewasi Iesu Keriso ebo. Asisi Ito pisido arigido ago gara. Owa kodade edo Satan da rorae beuto ara. Mai Ito Iesu Keriso dero da abo da abo da ara, edo Ito iai utu da vitara. Iesu Keriso ebo benunu tera. *Amen.*

Bada natokare, butu Ariebo, Tutu aida, nakare mamai Ito jipapaeto; Imo natokare iai da beiamana eta. Nakare rorae piewasi iji ago berari. Abari ebo ewasi erore. Nasi natokare sima gedo itoro gumai ae, nakare tepo itara. Matu ago eto nakare Imo de do tetera. Imo ago eto eiato jinaina dasiga ara. Benunu natokare Iesu Keriso ebo Imo giwasi. *Amen.*

BENUNU MUIA DE.

Na God Ariebo kotebotona, edo Aida Mai Iesu Keriso Ari kaviegari.

Na rorae beiae nato kotebotona, edo Godmi kotebedo dowarate jipapa eona.

Bada God, Asisi ito Kotopu namode piewasi atopatare, Iesu Keriso ebo.

Bada God, Imo nato iai da beiamana eoto, ategotona. Ebo nato de daedo dubo natokare jiwasi, Imo abodaaboda ara. Muia de beiae gido toregewasi. Ago de Imo dasiga ara. Iesu Keriso ebo. *Amen.*

OVE DA.

GISI.

IA. Nakare mamai berari.

Benunu tana.

Bada Iesu Keriso, Aposetolo Ito de siteta mamai babaigae nato iai gubara awara', mamai eida Ito do da beiamana ewasi itore. Ge Ito kotopu bari dubo jiwasi Atopatari ebo degoro baiorote kodade ato: Imo kotebedo karupa ara. Imo akuta Dave ebo Taoari ebo natopo itota. *Amen.*

ABO DA.

Dasiga tari. Ebo butu da berari.
God ia de dasiga tana
Rorae ewa pievira
God, Mamo, Mai, ae Asisi.

Bada, ve boroko mamai da dubo da urere, ewasi beiamana itore, edo erido bajido be ari, ago dubo piari iji berari kera ara, ago edo Imo de utu da itara; ouden Imo God natopo itota. *Amen.*

Bada kaenato Iesu Keriso kodade ari, God da dubo bari edo Asisi Kotopu dada itari, matawa boroko kaenato, edo abo da natopo itaina. *Amen.*

GOD DA GE IPA TOTE.

God ge eiwa tena, tedo, Na Bada God ito.

¹
God nenei nato do da dowasi.

²
Ove kewote dowasi, ta asisi be utu da ikane itevira awa, ta butu da kabe da, ta ewa da butu du da, Tu-modebai eote dowasi, do da benunu teote dowasi.

Na Bada God ito God gegata eona, edo mamono da rorae beiae mamai da iai rorou kupona, umo ta- mode ta umo igo ao pasido da namode ge jidora, edo ebo tausana jiwaē do edo ena, awamanemi na jipapa eite, ge nato gido era.

3

Bada ito God da Dao tēdo jirote dowasi. Bada beiamana kotēmai ae, ebo aida Dao tēdo jijireira.

4

Sabate kotebedo kotopu ewasi. Iji ipa nei da gisi de buro edo berari eteta awa ewasi; iji ipa nei da toro de, amo Bada ito God da Sabate. Aida buro ro esiko dowasi, Imo, ta mai ito jiada, ta mai ito ai, ta siga ito jiada, ta siga ito ai ta sinopu ito, ta ebo nei ito maguro be do da isira awari. Ijii ipa nei da gisi amone Bada utu de butu de ena, ewa ae jiwaē do da itora aide; iji ipa nei da toro de dago tununa: awa tēdo Bada Sabate beiamana edo, kotopu ena.

5

Mamo ae ai de kotopu ewasi; edo iji ito ribori are, iai ito da Bada God itomi pipitevira.

6

Ago ato betore dowasi.

7

A ipu da dowasi.

8

Beono eote dowasi.

9

Nebu ito ge butote dowasi.

10

Nebu ito da mado jipapa eote dowasi; nebu ito da aro, ta siga ika jiada, ta siga ika ai, ta bulamakau ika, ta asine ika, ta ikaito rora mi, jipapa eote dowasi.

6

INDEX.

Aimonomi Iesu da iai	...	31	Iesu imo jisi tu da	7
Alalula kaede	...	21	Iesu jipapa eira	...	35
Asisi Kotopu puio	...	24	Iesu kaena kodadesira	...	34
Bada audesiri	...	1	Iesu Keriso nasi da...	...	38
Bada butu eiwa	...	45	Iesu na kotebe	...	44
Bada erari gido	...	20	Iji ategetera	...	23
Badami betedo	...	19	Iji wotesira	...	5
Buro boroko itae	...	33	Imo butu ari ebo	...	8
Dumo da iji 40	...	14	Imo ewa Mamaka	...	2
Ebo matu debae	...	26	Ito iai gubera	...	4
Ebo muia de aida wo	...	12	Jerusalem da	...	17
Ebo nato Iesu	...	18	Jerusalem nasi dave	...	46
Ego de dubo natore...	...	29	Kotopu Kotopu	...	25
Ego turo jiriri	...	6	Mamato etesi	...	41
Eiwawa dabori ago	...	28	Mamo Goroba utu da	...	32
Erari da iji gido	...	22	Mamo natokare rorou	...	27
Etene ebo berari	...	36	Nakare mamai	...	3
Ge boroko tano gowa	...	30	Nasi butu da berari	...	13
Gio tekago gubira	...	10	O Bada Keriso	...	40
God, inemi Butu Tutu	...	47	Orega ika kudo	...	15
God kodade natokare	...	43	Onda iarata kariwa...	...	39
Ia tana Iesu	...	37	Puwavi iarata	...	11
Iesu demo ito da	...	42	U Jordan ji da	...	
Iesu eida iji de	...	16			

SALAMO.

- | | |
|--|---------------------------|
| 1. Ebo beiamana. | 110. Bada nato de Badami. |
| 6. Bada imo duduno ae. | 114. Ego de Israel. |
| 23. Bada na udari. | 121. Peji da pagana. |
| 24. Iai Bada da. | 124. Bada kaena umo jiae. |
| 34. Iji berari Bada ategedo ana. | 126. Iji ago de Bada. |
| 95. Puwavi Bada da iai da kae ia tane. | 127. Bada wado ae evira. |
| 100. Bada da iai da ia teu. | 128. Ebo beiamana awawa. |
| | 134. Bada beiamana ewavi. |

1. Sipo de 474.

BADA audesiri
 Erido ategara
 Dasiga eiraro jinaina
 O God okai jiwae
 Oro oro oro, Imo mamō
 God
 Jisi tu da edo, do ato gane

O Bada, nato iai
 Isirato jinaina
 Ito ro gido torega
 Ago adu ai ae.
 Oro oro oro Dariga isi
 Na betai aboda aikae itate.

Ato pasiwasī
 Na dubo takibari
 Rorae piato bane
 Kado ari ebo
 Oro oro oro gotuganetae
 Utu da isite pari tano gi.

2. 175

IMO ewa Mamaka
 Utu da iteta
 Rorae nato pieta
 Imo tano gata.

Imo ewa Keriso
 Butu da gupata
 Nasi da besiteta
 Imo, tano gata.

Imo ewa Asisi
 Pari tano gata
 Ebo ito evire
 Atopapotata.

3. 337

NAKARE mamai berari
 Iesu karupa eota
 Imo akuta badari
 Ito iai buro ari ta?

Nakare do da berari
 Dubo wadewasi Bada
 Ge ito gido aboda
 Utu da gisi ito gara.

Duduno dumo pitawa
 Beono ago itai ae
 Ae beuto de dowara
 Inono de kera ara.

Toregari natokare
 Kotebedo jipapara
 Nakare iji berari
 Dao ito dasiga ara.

4. 446.

ITO iai gubera
 Dariga, boroko
 Nakare iarata ito
 Emi da kodade.

Rorae belae jiwae
 Esitera awa
 Imo Bada natokare
 Anana ewasi.

Asisi Kotopu
 Utu da wotodo
 Nakare ari pataina
 Imo kera ara.

5. Turode 346.

IJI wotesira
 Turo jirira
 Kaena boroko
 Jitao amana.

Keriso, utu da
 Maria da Mai
 Eida mamai ito
 Imo gatate.

Ebo nei apeite
Tao atate
Kodade erara
Imo garate.

Anela muia de
Wasi keredo
Belae augara
Bega kubara.

Iji teka gudo
Jisi gudara
Mamo God demoda
Pari tarate.

Mamo de ia tana
Ae dade Iesu
Asisi Kotopu
Dawa teona.

6.

21.

EGO turo jiriri
Nakare gubera
Mula de pari tera
Iesu, Imo Bada
Muia de jisini ato
Emi da beiae itaiae.

Boroko buro itae
Imo dasiga ara
Bada jitao awara
Ito iai adu ai ae
Sipo de eri garate
Dao ito dasiga tara.

Tao ari ebo Imo
Akuta itota
Adu eoro gido
Nakare torege
Iesu karupa edeto
Tepo babara natopo.

7. Rousseau's Dream.

IESU Imo jisi tu da
Degoromi gatate
Nakare jitao avera
Imo tao atate
Jisi ito akiebae
Okai ago isite
Aikae gudo beiae auge
Ebo ito torege.

Anela dodomo pie
Eida ago itore
Iai ito jipapa era
Begata da kodade
Ge beiae beuto ara
Ge ito kotebedo
Bawari da okai ara
Ito iai baborote.

8.

26

IMO butu ari ebo
Ae utu de
Buro iji pieteta
Natokare
Siga ito toregedo
Binei beiae odewasi
Ito duga da awara
Adu ai ae.

Muia nasi da matawa
Toregate
Abo da betari gido
Udatate
Ge katari iji gido
Nakare dodo aibote
Ito iai kudo piato
Vitoretiae.

9. Advent sec. 50.

UJORDAN ji da gubira
Bapataito ari ebo
Ge belamana tesira
Dariga aikae isira.

Ge ago gido kaena
Rorae beiamana ana
Begata ouda wadana
Ro beiae ari domana.

Nakare beiae etero
Utu da gudo kodade
Imo gaoariebo
Abari ebo torege.

God Mamo da Mai natopo
Wotedo nakare ude
Ito iai dasiga tara
Iji berari butu da.

10.

51.

GIO, tekago gubira
Matu mamato ena
Anela da jisi da de
Parara de gubira
Aleluia, Aleluia
Iesu idegesira.

Kaena jisimi gana
Birikoku Arate
Usibesi ari ebo
Orega da

Adu edo adu edo
Aida Dariga gara.

Mamato ari kenatu
Tamo matu gane tae
Benuma de gi de dero
Ebo kore orote
Awa gido awa gido
Iesu kotemane tae.

Iesu Bada baido edo
Imo dasiga ara
Keriso goroba edo
Daotari atate.
Aleluia, Aleluia
Dariga akuta e

11. Christmas 59.

PUWAVI, iarata, dubo
belamana
Bethlehem da berari puwavi
Mai kupusina, anela Dariga.
Tumodebai ewavi
Tumodebai ewavi
Tumodebai ewavi
Keriso.

God Godmi mamo akuta ae
da de

Awa gagarami kupusina
Awa Parara Parara de, e ae.

Anela ia itomane tewavi
Utu mai berari, ia tewavi
Dasiga God da utu da ikane.

Keriso nakare ategetera
Iesu Imo de dasiga tara
God Ge gudo pisi idegeteta.

12.

62.

EBO muia de aida wo
Sima edo era,
Utu parara esira
Anela gubira.

Ebo jiwae adu ewa
Ouwa tenu giwo
Adu eove dodomo
Imomane giwo.

David da oro be da mai
Mary mi kubira
Boroko God da mai awa
Nasi da gubira.

Bowa da Iesu Keriso
Jitao aveira
Dabua da doesira
Kariwa giwavi.

Iji da anela jiwae
God dasiga era
Boroko butu da bega
Natopo gubira.

13. Epiphany 76.

NASI butu da berari
Bethlehem, gisi eta
Ito iai Ebo Badari
Mary aimi, kumuna.

Ebo tu da sima edo
Dariga gositera
Dabori utu da gido
Aida iai guputera.

Baogo dadari edo
God da mai kotebedo
Aida sigabaga edo
Rorae kudo pitera.

Doino kudo God gotora
Goldmi Dariga ebo
Ebo da betari gido
Siwo pipisitera.

Iesu atopasiwasi
Imo ae Mamo de da
Nakare dasiga ara
Asisi de daedo.

14. Lent, Local.

DUMO da iji 40
Akuta isiteta
Pari ae kakara de da
Satan doturuteta.

Iesu nakare ebo
Mamato esiteta
Nakare rorae dowara
Benunu dave tara

Satan bawari ebo
Ego isipurari
Inemi kodade ato
Goroba de itara.

Ego bega utu da
Tuturo ari eida
Anela ito wotedo
Nakare toregara.

Iesu sima eirato
Imo de da isite
Nakare Easter Iji de
Natopo kotebara.

15.

263.

OREGA ika kudo ji
Bada Iesumi tesira
Imo akuta ge tedo
Na abo abo ewasi.

Orega ika kudo ji
Aboka ari siwote
Ine Bada kotebedo
Jiari goroba ate.

Orega ika kudo ji
Jiro jiato erari
Orega ami begata
Utu da gisi arate.

Orega ika kudo ji
Iesu aboabo edo
Orega awa kubari
Badari ata utu da.

Bada tamode Dakaki
Imo de dasiga era
Imo utu da piato
Ouda natopo itara.

16.

94.

IESU eida iji de
Nakare jijibate
Natokare ge gio.

Bada Iesu ji tedo
Ito iai adu aro
Kotebeio Keriso.

Nakare ine gio
Jijiu de daedo
Asisi ito pie.

Imo mamato ata
Ororomi wotena
Tamo ito goewa.

Do ito da itero
Nakare ge teote
Iai natokare pie.

17. Mamato ari 332.

JERUSALEM da isira
Peji Kalavari
Ovire Ebo kaenato
Iesu besisina.

Niao da tai pietera
Benuma detera
Ipami kaigesira
Ikane isira

Iesu Bada beiamara
Ebo dao sira
Kaena ge kotemana
Utu da bamana.

18.

107.

EBO nato Iesu
Dasiga ana
Awa Orega da
Kaigesira.

Ororo ikaito
Kaena ebo
Vekougesisina
Niao ikane.

Abel matu debae
Ago betedo
Ororo rirowa
Dao sisina.

Iesu da Ororo
Ouda durido
Beiae sinaina
Kaenato iai.

Satan awa gido
Adu evira
Aida iai bawari
Doturisina.

Anela ae da de
Ouda Ororo
Ge siakabadæ
Dasiga ana.

19.

504.

BADAMI betedo
Wasiri esira
Butu da erorisina
Tekago betai ae.

Badami betedo
Okai esisina
Asi de wowosisina
Betari dosira.

Badami kaena
Ae da de kubira
Utu da vivisisina
Iai be bejisina.

Wasiri esira
Anela giwavi
Itomane iai gubira
Ia do da tewavi.

Wasiri esira
Ouda mamda iai
Utu da Anubesira
Parara de jiwae.

20. 140.

BADA erari gido
Ogo kaena kotemana
Beiae nato domana
Aboda kaena betana
Aleluia.

Bada erari gido
Kaena ebo besisina
Kaena ogo kotemai
Keriso ge kera ana
Aleluia.

Bada erari gido
Iesu Davembo kaenato
Orega da betedo
Utu da vivisisina
Aleluia.

Bada erari gido
Ikane iai da isira
Ebo dao tevira
Ebo daedo babara
Aleluia.

Bada erari gido
Imo na dasiga ana
Beiae nato domana
Tao ari ebo Imo
Aleluia.

Bada erari gido
Nakare toregewasi
Ito iai adu ai ae
Tepo natopo babara
Aleluia.

21. 135.

ALELUIA, Aleluia, Ale-
luia,
Kaede bokoko ia tana
Keriso awa Dariga
Gagara da gupusina
Aleluia.

Easter da awa sipo de
Buro betari gisi da
Marymi Bada gai ena
Aleluia.

Awa anelami gido
Ami omide sisina
Badari matu baibira
Aleluia.

Muia de aida oro
Aposetolo itero
Aida iai Iesu torira
Aleluia.

Amimi Bada oro da
Wasiri de gositera
Dasiga aide sitera
Aleluia.

Bada da bino gubira
Kaede boroko gotona
Awa badari evira
Aleluia.

ERARI da iji gido
Asisi de tamo de
Atutubedo itara
Utu da.

Eida evekara era
Tamo tepo isira
Aida Sabate da sima
Evira.

Tamo jitaō amaina
Oena apai tedo
Easter teka aida sipo
Atana.

Aida asisi Hades da
Dubo kotebesira
Pari tedo erari da
Ia taina.

Tamo asisi daedo
Keriso ago ara
Dubo beiamana edo
Itara.

Erari da iji awa
Butu aida betari
Berari kaviegara
Ito ial.

Bada nakare tewasi
Utotoru arate
Imo ae da de betedo
Erara.

IJJ ategetena, Aleluia
Ebo anela da de, Aleluia
Iesu matu betedo, Aleluia
Ouda ial da torira, Aleluia.

Ouwa utu Dariga
Parara da visira
Mamo de da tekago
Gudo anubesira.

Ouwa karupa edo
Ouda ebo ruvegae
Bawari da iji da
Gido toregesira.

Pari kaena ebo
God da ial da tesira
Ouwa ial kaenato
Belamana esira.

Bada Imo utu da
Jisi tuda kodade
Tai ito inono ai
Ito ial da gubara.

ASISI Kotopu puio
Nakare do da ni ate
Ebo berari tapedo
Rorae jiwae pleteta.

Utu da eida wotedo
Ebo wasiri atate
Parara ito pisido
Jisi natokare ude.

Imo nakare tapedo
Kodade edo torege
Itoro atoro ge te
Bega de tepo itore.

Mamo de Mai de Kotopu
Imo ae da de Dao God
Tamode dawa Dakaki
Dasiga borere ara.

25. Trinity 160.

KOTOPU kotopu, Bada
Goroba ;

Sipo atari ito iai ia tara
Kotopu kotopu Doariebo
God dakaki Persona tamode.

Kotopu kotopu siga berari
Jisi Ito da tumodebai era
Kerubim ae Serapim ito de-
moda

Sima esiteta, eta, ata.

Kotopu kotopu ebo bebegae
Aida jisimi parara ito gae
Imo goroba, karupa ari
Akuta matawa beiamana.

Kotopu kotopu Bada Goroba
Jibo ito Imo dasiga ara
Kotopu kotopu Doariebo
God dakaki Persona tamode.

26. 161.

EBO matu debae mana
Ikane gotevira
Ge belamana berari
Anela siutera.

Bada da iai da berari
Kerubim de Serapim
Kotopu tamode awa
Ago ia da teora.

Utu da karupa ari
Eida butu da ago
Oro oro oro Bada
Imo dasiga ara.

Ito anela inela
Dubo ewa imata
Ito iai dasiga ara
Ekalesia da de

Ito iai eiwa iji
Ia ikane teora
Natokare ia kotopu
Bada, Imo kotopu.

Utu da karupa ara
Eida butu da ago
Oro oro oro Bada
Ge Imo dasiga ara.

27. 164.

MAMO natokare rorou
Bebegae ebo piteta
Jisi Ito da duraro
Do edo toregatate.

Mai alda Bada Pirisi
Nasi da idegeteta
Jisi ito da duraro
Do edo tonebatate.

Asisi Imo eteto
Ebo kavigotora
Jisi ito da durero
Ato goroba arate.

Mamo Mai, Asisi da de
Kotopu dawa teona
Jisi ito da durero
Ato wasiri arate.

28. Ebo Kokotopu 427.

EIWAWA dabori ago
God da iai da itera
Doregari da petedo
Ebo eiwa averi.
Aleluia dasiga
God da do da ia tera.

Aida tamo woru aia
Godmi pipitevira
Aida nasi belamana
Utu da sima era.
Anela de daedo
God da dasiga tera.

Matu butu da itora
God ge be esitera
Aida ebo abo edo
Goroba esitera.
Satan aida ge dodo
God ge gositera.

Eiwawa mamato edo
Benunu 'siutera
Awa gido aida siga
God tonebetevira.
Eiwa iji utu da
Awa dasiga era.

29. I pa piari da. Local.

EGO de dubo natore
God da pipitena,
Na mana dodo bamana
Na mana dutana.

Na orega da bamana
Edo pari tana
Jibo nato beiae, Bada
Imo dave eio.

Kodade ari itomi
Ewasi datane
Edo gisi ito gido
Siga ito ana.

Iji nato berarimi
Imo kera ana
Ago de betari nato
Maguro utu da.

God Imo dasiga ana
Mamo Mai ae da de
Asisi parara ito
Matawa itaina.

30. Doregari Kotopu 309.

GE boroko tano gawa
God da Mai wotesira
Tamo be de ororo de
Marymi kupusina
Awa toregari ebo
Nasi da itevira.

Awa rorae beiae ebo
Orega da betedo
Hades da wowosisina
Aida iji tamode
Utu da vivisisina.
Aida Mamo God da iai.

Aida Oroda Palawa
Aida Tamo evira
Okou beiamana edo
Ororo pievira
Eiwa jimi gae edo
Kotobarimi gena.

Iesu eiwa gisi edo
Abo da besisina
Baogo dadari edo
Eiwa kotopu ena
Kotebedo kera edo
Aida iai da tonena.

31. Mamai Mothers of Salem.

AIMONOMI Iesu da iai
mamai kubera
Aposetolo ge tedo dodo aibore
tae
Ko Iesu gido waiaga amide-
mane desira
Tena, Nato iai mamai puro-
retae.

Jipapa jiwae gido osinemana
Udari nato kumana tawo
baborekae

Ge nato kera orote, nato lai
sima orote

Tena, Nato lai mamai puro-
retae.

Mamai matu debae ge ago
gositera

Ko visido utu da audo sima
evira

Ge dawa kaenato lai ebo
badari tesira

Utu da ami mamai babo-
retae.

Ebokaenato da jibo beiamana
Ago de abodani edo siga
anate

Boroko aida ge gido Iesu
aboabo edo

Kaena amida lai baboretæ.

32. Pepeta ari ebo 370.

MAMO Goroba utuda
Ewa da Dariga eta

Teteto ami aida lai

Akuta sima arate

Benunu natokare gi

Ebo ewa da torege. -

Keriso, ge ito gido
Iawata doturutera
Jitao aveta ewa da
Iawata pasido eta
Benunu natokare gi
Pepeta ebo torege.

Asisi, Imo Kotopu
U pamo da anubewa
Aida goroba teteto
Dodo bega plarate
Benunu natokare gi
Ebo ewa da torege.

Tamode dawa Dakaki
Dubo budo goroba e
Pepeta ebo ewa da
Berari Imo torege
Ago de dasiga jiwae
Nakare tara ito lai.

33. Goiari 401.

BURO buroko itae
Ito itae esira

Kora tawari kena

Pepeta ebo gubera.

Mamo, siga ito eiwa
Ito lai jitao amaina.

Geena da badari
Aida lai maua gumaina
Kerisomi unaina
Awa ebo besisina.

Mamo siga ito eiwa.
Ito lai jitao amaina. .

Butu Butu da ouwa
Eida dodo taigesira
Erari da iji da
Ouwa tekago enaina.

Mamo siga ito eiwa
Ito lai jitao amaina.

34. General 72.

IESU kaena kodadesira
Iesu ebo butu da koda-
desira
Aleluia ia tana ; Aleluia
Iesu
Aleluia ia tana ; Iesu de-
moda.

Ge beiamana Iesu tesira
Jipapa ena Iesu ge kotemana
Aleluia ia tana; Aleluia
Iesu
Aleluia ia tana, Iesu de-
moda.

35. Jesus loves me.

IESU jipapa eira
Buka ago tesira
Na siaka siwari
Awa goroba jlwae
Jipapa eira
Jipapa eira
Jipapa eira
Bukami tesira.

Iesu jipapa eira
Na ebo besisina
Utu be bejisina
Aida iai da tonana

Iesu jipapa eira
Aikae ago itaina
Butu da kodade edo
Na utu da kumaina.

36.

ETENE ebo berari
God da ge gae era
God nakare pasi wasi
Imo adu ai ae.

Imo nakare kodade
Ge ito kotopu
Imo Bada kera ara
Butu berari da

Bawari iai berari da
Nakare siwari
Asisi ito plato
Emi da kodade.

Mamo kotopu ewavi
Mai kotopu ago
Asisi kotopu da de
Matawa teona.

37.

IA tana Iesu
Nasi da wotena
Bada kaenato Iesu.
Aleluia Iesu
Wotena kaena ebo
Aleluia Iesu.

Ia tana Iesu
Orega da detera
Bada kaenato Iesu.

Ia tana Iesu
Tekago visina
Bada kaenato Iesu.

Ia tana Iesu
Euri erorora
Bada kaenato Iesu.

38.

IESU Keriso
Nasi da wotena
Orega da doritera
Eiwa jibo mina.
Mina rirowa
Mina esira
Kaena ebo wotena
Rirowa esira.

Ikane isira
Na dao tesira
Utu da na sima eira
Abo da bamana.

Bada, tano gata
Iesu kodade eio
Na atopapositeta
Ito iai gumana.

39.

OUDA, iarata, kariwa
 Kaioio era
 Bada kaenato Iesu
 Atuta elra.
 Isiwo aikae gumena
 Iesu tesira
 Kaede aide mina tana
 Edo gane tae.

Satan aida siga da de
 Bavedo era
 Ebo tepore duraro
 Mana itana.

Gi paraige jljiora
 Tore putera
 Ebo abo edo Satan
 Kaede ge tane.

Bada aida tonebari
 Pipitevira
 Edo kae goroba ana
 Aide daedo.

40.

270.

O BADA Keriso
 Basileia punai
 Beiae odewasi
 Akuta itata.

Bega Ito eida
 Isiri boroko?
 Najigo do ari
 Butu da itaina.

Ito, beuto
 Beiae jlwae da de
 Najigo tabari
 Iai ewa najigo.

Bada eriwasi
 Goroba de puio
 Ito atoro
 Inono de gaie.

Ge Ito kotopu
 Ebo kotebara
 Butu berari da
 Imo kera ara.

41.

254.

MAMATO etesi tamo
 Oena apai?
 Ego puwasi, tesira
 Keriso.

Ouwa dubo damo ari
 Oena apai
 Begata gisi arira
 Keriso.

Kariwa isiri gido
 Kotemanetae
 Awa dedegi de tai de
 Batewa.

Kopuru da ni egewa
 Mamato ena
 Ipa benumami gaewa
 Kotebe.

Aide nane tedo gane
 Na udarate
 Edo na domaini tamo
 Itaera.

Awa aboabo ano
 Na kumainita?
 Anela peroveta de
 Teora.

42.

184.

IESU demo ito da
Inemi na ajige
Matu Imo gaewa
U ae ororo de da
Dono dubo nato da
Ari dave atate.

Ge ito siseteta
Nanemi kera edo
Inaka de anate
Mana kavlegana
Inemi na torege
Imo akuta Bada.

Na atoto etena
Orega da gumana
Na ipu boroto de
Woru pie amane
Buria nato jiwae
Iesu dave atate.

Butu da isinano
Betari da iji de
Iji ge katari da
Ipa kaioio edo
Iesu ito demo da
Inemi na ojige.

43.

GOD kodade natokare
Duga duduno do da
Ito iai iji da doae
Sima natopo ara

Ebo itomi berari
Imo ge be eora
Akuta toregeteta
Tepo jitao awara.

Butu eae jiri piaē
Gisi Imo itota
Butu berari dugare
Dawa natopo ata.

God kodade natokare
Duga duduno do da
Ito iai iji da doae
Sima natopo ara.

44.

185.

IESU, na kotebe
Edo na dave e
Pisi mamato arimi
Iue na tonebe.

Iesu, na kotebe
Aboka bajina
Ito iai siga anate
Na toregatate.

Iesu, na kotebe
Na mana dutana
Mula de iji borere
Begata gisi e.

Iesu, na kotebe
Bubura doware
Binono ato darate
Ao dariwasi.

Iesu, na kotebe
Iawata dowari
Parara ito utu da
Ito iai ganate.

Iesu, na kotebe
Iwawa udege
Mamo Asisi de da de
Matawa ia tara.

BADA butu eiwa
 Ine jiliteta
 Kotebeio
 Ko Evanelia
 Ae parara de da
 Ge ito be gido
 Atare tae.

Ine butu eida
 Gotota awawa
 Pari ji de
 Akikiebari
 Jisi gudorote
 Ge ito be gido
 Atare tae.

Asisi mamomi
 Ami plevira
 Be ni ago
 Butu da wotedo
 Keimo ji erari
 Ge ito be gido
 Atare tae.

Mamo Mai ae da de
 Ae Asisi de da
 Kokotopu
 Tamode Dakaki
 Nasi berari da
 Ge ito be gido
 Atare tae.

JERUSALEM nasi dave
 Ikane itota
 Buro nato eida itae
 Edo imo gana.

Jerusalem dubo nato
 Natopo burota
 Na sima edo ago de
 Ito iai punana.

Maguro ito degiae
 Do ito da tonai
 Erari da b:gata da
 Pepeta anate.

Jerusalem nasi dave
 Ouda torore tae
 Dubo vevera matawa
 Itari ito da.

47. Septuagesima Ia.

GOD, Inemi butu Tutu
 Dubo ito beiamana
 Anela ito ikane
 Dasiga natopo tera.

Nakare eida butu da
 Ae tamo memesi de da
 Dubo vevera ari de
 Gupelra natokare iai.

Nakare betau isite
 Ge ito ruvegotoru
 Ia nomi bebegamana
 Ito jisi da tarate?

Jibo natokare beiae
 Gido dubo beiae eira
 Nakare mamato era
 Ine ato okai ore.

Kotebari Ine ple
 Ito lai sima arate
 Eida isima dowaro
 Ine utu da piate.

Mai ito Asisi de da
 Mamo ae da de Dakaki
 Nakare karupa edo
 Dasiga natopo ara.

SALAMO.

SALAMO 1.

1. Ebo beiamana, bebegae aida katari da temai ae edo ge jidedegari da begata da petedo itae: edo tedo jijiregari da anuba da anubae.

2. Edo Bada da ge dubo beiamana ari: edo aida ge kotebetevira iji de muia de.

3. Amo ni ige aina u ji da urevira awa Edo aida ve iji ika de vivitevira.

4. Edo aida gi tokedo aiae, edo rorae ika beiamana aina.

5. Ebo bebegae ago ae awamane be oieie ige bisimi gidevira awa.

6. Awa tedo ebo bebegae katari da tebudo ai; Edo ge jidedegari ebo ewa da doregari da.

7. Bada ebo beiamana da begata gotevira: edo ebo bebegae da begata sitaina.

SALAMO 6.

1. Bada, Imo duduno ae na isibote: edo imo sini gamai ae na mina eote.

2. Na do ewasi, Bada, na sivena: Bada, ewasi kaviegane, vetu nato beiae era.

3. Asisi nato de beiae eira: edo Bada, iji nadogo na mina asil

4. Tekago puwasi, Bada, asisi nato toregate: do ito ebo na ewasi kaviegane.

5. Betari da ebo Imo kotemai ae: edo Imo aimi ategaini uro da?

6. Na ji teno beowo eira, muia de doae awari nato tedo ena: edo besi nato jijiumi tarido ena.

7. Jisi nato uboru esira dubo beiae ebo: edo devesira, gitopo nato jiwa ebo.

8. Na dodo babuwavi imomane beiae ebobo jiwa e: Bada ji nato da aoro gira.

9. Bada pari nato gira: Bada benunu nato kumaina.

10. Gitopo nato berari me gido dubo beiae ara: wareregedo borae me gara.

SALAMO 23.

1. Bada na udari: na beji amai ae.
2. Buro awae da piesiri audo ena: dago turari u da kudo bautevira.
3. Asisi nato euri kavigetevira: begata dave da gisi evira aida dao ebo.
4. Ago edo duga siakabadae dedewa da tepeite bamana edo ro beiae adu aiae: kae tlaedo itena, ukuta ito ae ketu ito dubo nato damo eira.
5. Besi nato jijireta gitopo da jisi da: kopuru nato gamamai tapiteta, akou nato be da eira.
6. Rorae beiamana ae do ari de mina aboda aboda aina iji nato berari; edo Bada da oro da matawa itaina.

SALAMO 24.

1. Iai Bada da, edo berari do da itora amo: iai edo awamane itora awa.
2. Ewa da be ena: edo dauma da sirigena.
3. Aimi Bada da peji da vitaini: edo aimi aida iai kotopu da petaini?
4. Aida iai ipa ewa ae do ewa de itevira awa: edo jibo tepo jipapa ae edo pitawa tae gae.
5. Ami beiamana ari Bada da iai kumaina: edo ari dave ari aida kavigari da God da iai.
6. Eiwamane umo ika awa kakoa eora awa: awamanemi dubo ito kakoa eora awa, Jacob da God.
7. Kopuru itomane jiu erare, imomane maguro edo jiarerave, imomane maguro matawa itari: edo parara da Daotari tonaina.
8. Parara da Daotari averi? Bada goroba, Bada goroba gitopo da.
9. Kopuru itomane jiu erare, imomane maguro edo jiarerave, maguro matawa itari: edo Parara da Daotari tonaina.
10. Parara da Daotari averi? Bada Sabaoth, awa parara da Daotari.

SALAMO 34.

1. Iji berari Bada ategedo ana: dasiga ari be nato da matawa itaina.
2. Asisi nato Bada ebo dasiga aina: rorae itaemi eiwa gido dubo beiamana ara.
3. Kae daedo Bada dasiga ana, aida dao kae inonode jiano enaina.
4. Bada kakoa etena, edo mina tesira: edo adu ari natomi jiwae toregesira.
5. Awamane ami gido dubo dave esitera: edo najigo kopuru me gai ae.
6. Rorae itae emi ji tesira, edo Bada gira: edo dubo beiae ika jiwaemi toregesisina.
7. Bada da anela edo eora aida iai jinenebedo: udegessira.
8. Kotebedo gido edo jiwavi: Bada dave esira beiamana ebo kotebetevira awa.
9. Bada adu ewavi, imomone aida kotopu: adu evira aida iai beji itai ae.
10. Leona da mamai rorae itae edo beji betora: Bada kakoa eora amo ro beiamana beji ai ae.
11. Mamai, atutubedo, na giwavi: nane Bada da adu ari tano gave.
12. Ebo rora kavigari jipapa evira: edo iji jiwae awa dubo evira edo beiamana garate.
13. Iwawa ito beiae da ge tewasi: edo be gisi ito ge pitawa tae ae.
14. Beiae dodo babudo, beiamana ewasi bega kakoa edo, aboda aboda ewasi.
15. Bada da jisi ebo ewa eora: edo degoro aida ge gotora.
16. Bada da dubo rorae beiae eora awa beuto evira: edo aida kenatu butu da sitaina.
17. Awamanemi ji tero. Badami gotevira: edo dubo beiae ika jiwaemi toregetevira.
18. Bada ebomai dubo badari da iai atutubetevira: edo ebomai asisi depeka ari euri kavigotora.
19. Ebo beiamana topa kotebu ika idewa: edo Bada jiwae de toregetevira.
20. Vetu jiwae sima evira, berari erigeiko.

21. Beiae ebo bebegae dari betara: edo awamane ebo ewa ge jidora awa mina piaina.

22. Bada sigabaga ika da asisi euri kavigotora amimi kotebatora awa ai bekuba eiko.

SALAMO 95.

1. Puwavi, Bada da iai da kae ia tane: ge kaenato dave ari, kavigari kaenato ganuma da iai.

2. Do da kae pumago edo kae ategane: ge kaenato dave ari aida iai Salamo da.

3. Bada God siakabadae: edo Daotari siakabadae God jiwae da tamo da.

4. Ipa da iai u gono: edo peji eno topa aida.

5. Ewa topa aida, edo ami ena: edo ipami iai tanabari jina.

6. Kae pumago pari site tumodebai ane: kae baogo dadari ari ane Bada kaena ariebo da jisi da.

7. Amo God kaenato: edo kaena aida buro ebobo edo ipa aida udari vetari.

8. Boroko ge getewa dubo itomane okai eove: Meriba da ago, be Masa dumo da ige.

9. Ego de mamonomi na bavewa: na kotebedo jibo nato giwa.

10. Jieda 40 umo eida iai na sini gamuna: tema ebo do da babae dubae edo, begata nato gae eora.

11. Awa tedo duduno eite temo giwa: dago turari nato da tororekae.

SALAMO 100.

1. Bada da iai da ia teu, nasi berari:
Dubo dave ari, Bada kera ewavi.
Doda ia de puwavi.

2. Kotebewavi, Bada Awa God.
Ami kaena ena edo kaena aida;
Kaena aida ebo edo aida buro sinopu.

3. Aida pua be da torido do tewavi
Aida aruta ari da gadewavi
Ategedo aida dao dasiga ewavi.

4. Bada beiamana; do eite itevira
Edo aida ge be jisi berari da, sima evira.

SALAMO 110.

1. Bada nato de Badami ego tevira; be nato da anube: edo ano gitopo ito dapari ito.
2. Goroba ito ketu ika Bada Zionmi ujiji aina: gitopo ito toropu gisi ji.
3. Ebo ito gisi jiari ito ego de akuta tedo piera: kabo kotopu sipo de sini da kubari ito damone ito iai isira.
4. Badami gorote sisina edo dubore kotemai ae: imo pirisi matawa Melchizedek da jibo ago.
5. Bada be ito da: duduno ari ika ago de Daotarimi urugaina.
6. Etene da toropu da tedo gaina: iai ebakemi atoae aina kopuro butu jiwae da bedaina.
7. U begata da inaina: awa ebo pagaina.

SALAMO 114.

1. Ego de Israel Egypt awa wotetero: edo Jacob da oro ge nei ebobo da iai.
2. Judah aida iai kotopu: Israel aida basileia.
3. Ewa awa gido edo tupusina; Jordan wareregesira.
4. Peji sipu jiada ago kekepuia eora: edo pamo sipu mamai ige.
5. Imo ewa, nomi eiri tubesi? imo Jordan edo wareregetesi.
6. Imomane peji, sipu jiada ago kekepuia etevi: edo imomane pamo sipu mamai ige?
7. Imo butu, tu ito boroboro ata: Bada da do da Jacob da God da do da.
8. Ami ganuma boma esisina; edo ganuma okai sinini esisina.

SALAMO 121.

1. Peji da pagana: kodade nato ida ago gumaini?
2. Kodade nato Badami: utu de butu de Ariebo.
3. Tai ito ari dabibiro ai ae: taoariebo ito jitao amai ae.

4. Israel da Taoaribo: jitaŋ amai ae, jisi akiemai ae.

5. Bada Taoariębo ito: Bada duga ito be da.

6. Iji de iji imo inai ae: muna de kariga ai ae.

7. Bada beiaę berari de imo taoaina: ouwa asisi ito taoaina.

8. Bada wotari ito de torari ito de: boroko de abo da de taoaina.

SALAMO 124.

1. Bada kaena umo jiaę: Israel maimi tetera.

2. Bada kaena umo jiaę ego de itoro kaenato erera.

3. Kaena wasiri de nutuęeterita: ego de ami sini kaenato iai gapeira.

4. U mi kaena kudo babesita: u asisi kaenato apureęesirita.

5. U iawa kakatomi: asisi kaenato apureęeterita.

6. Bada beiamana; kaena wo ago aida ji da piaę esiri ta.

7. Asisi kaenato ideęesira ni ięę wao ari aida wao da: wao erigedo kaena toreęesira.

8. Toreęari kaenato Bada da dao da: utu de butu de ari ebo.

SALAMO 126.

1. Iji ago de Bada Zion da gupeite tekago kudo kupusina: kaena be aturo eora ago.

2. Be kaenato iromi be da esira: edo iwawa ia ago.

3. Etene da iai tesira: Bada awamane ebo siakabadaę esisina.

4. Bada kaena ebo siakabadaę esisina: edo dubo kaenato ewa evira.

5. Budari natokare tekago kudo gubuwasi, Bada; u ięę gobu da.

6. Ji site baudo uritera awa: dubo dave ari kapara.

7. Ji site baudo edo ve kudo bautevira: dubo dave ari tekago gudo, budari ika kudo gumaina.

SALAMO 127.

1. Bada mado ae evira: eora awa ae dubae eora.
2. Bada nasi sima ae evira: sima ari ebo topa jisi gudesira.
3. Daa imomane, sipo erido turo de anubedo, buro rorae idowa awa: ago de aida dubo bari de awari pipitevira.
4. Gio mamai Bada de baiatu: edo sini da be, rorou.
5. Be unini gi goroba ebo da ipa da ige: ago sini da mamai.
6. Beiamana aida iai aida kaita amimi atoe: me mana gara iji de aida itoro ae da de maguro da ge teora.

SALAMO 128.

1. Edo beiamana awawa Bada adu eora awa: edo aida begata da tepora.
2. Ipa ito jijiteta awa idate: beiamana ato dubo beiamana aina.
3. Aro ito be dura mado ito da dedemo da ige: mamai ito be olive patu ige teneba ito da sirigeiko.
4. Ago edo beiamana arate: Bada adu evira awa.
5. Bada Zion de wotedo imo beiamana aina: edo Jerusalem wo ba de giwasi iji ito berari.
6. Awara da mamai ito da mamai giwasi: bega Israel da itevira.

SALAMO 130.

1. U gono da imo dao tetena, Bada: Bada ge nato gi.
2. Benunu nato ge: degoro itomi kotebatate.
3. Imo Bada, ae dubae eora awa kotebato: edo Bada aimi petaini.
4. Edo kotebedo do ari ito iai isira: awa ebo imo adu ara.

5. Bada sima ena asisi nato sima eira; edo aida ge nato kotebari.

6. Asisi nato Bada kakoa eira: sima ari sipo kakoa evira ago ae, awara sima ari sipo kakoa evira ago ae.

7. Israel Bada tumode e, Bada da iai do ari isira: edo aida iai ari kaviegari jiwa.

8. Edo Israel: aida jibo beiae jiwaemi ari kavie-gara.

SALAMO 134.

1. Bada beiamana ewavi, imomane Bada da kera ari; imomane muia de Bada da oro da pepotewa awa.

2. Ipa itomane iai kotopu da jiu erore: edo Bada beiamana ewavi.

3. Bada utu de butu de evira awa: imo Zionmi beiamana aina.

KIKI.

I.

1. God averi? M. God utu de butu de Ariebo.
2. God ida isiri? M. God iai berari da isira, utu de butu de atoae esira.
3. God gotovita? M. God butu da gae eona.
4. God imo goteviri ta? M. God matawa eono gotevira, matawa teono degoromi gotevira, matawa dubomi kotebeteimono kotebetevira.
5. God ida ago gani? M. God utu da gana.
6. God gani ta? M. Kaena beiamana edo utu da visido, God gana.
7. God iji nadogo iteviri? M. God iji tutu ae.
8. God iji nadogo itaini? M. God natopo itaina.

II

9. God ro enu? M. God anela de ebo de ena, edo berari utu da de butu da de.
10. God butu najigo enu? M. God butu matu debae ena, jieda tausana idewago.
11. Utu de butu de iji nadogo sima ari? M. Utu de butu de iji ge katari sima ara.
12. Iji ge katari najigo? M. Iji ge katari najigo kaenamode tae.
13. Iji ge katari de God ro aini? M. Iji ge katari de God utu teka de butu teka de aina.
14. Aida iji nadogo sima ara? M. Utu teka de butu teka de sima natopo ara.

III.

15. God nadogori? M. God dakaima.
16. God dakaima Persona nadogori? M. God dakaima Persona tamode; God Mamo, God Mai, God Asisi Kotopu.

17. Mamo, amo God ta? M. Mamo, amo God.
 18. Mai, amo God ta? M. Mai, amo God.
 19. Asisi Kotopu, amo God ta? M. Asisi Kotopu, amo God.
 20. God tamode ta? M. God dakaima.
 21. Eiwa gido ro dao teona? M. Trinity ewagaewa
 22. Trinity ewagaewa rori? M. Trinity ewagaewa God da kaima Persona tamode.

IV.

23. Ebo rori? M. Ebo tamo de asisi de dubo de.
 24. Ebo nomi anela ago? M. Ebo anela ago asisi de dubo demi.
 25. Ebo nomi wo ago? M. Ebo wo ago tamomi.
 26. Tamo kaenato nomi enu? M. Tamo kaenato popomi ena.
 27. Asisi kaenato nomi enu? M. Godmi ebo doda wasiri pusisina.
 28. Tamo kaenato ro aini? M. Tamo kaenato betedo popo jinaina.
 29. Asisi kaenato betari ta? M. Asisi kaenato sima natopo ara.
 30. Asisi kaenato ida aga aibara? M. Asisi kaenato beiamana gido Paradise da kudo aibara; beiae gido Satan da anelami kudo aibara.
 31. Tamo kaenato popo natopo jinaini ta? M. Iji ge katari de tamo kaenato erido asisi de daedo dada ara.
 32. Edo ro aini? M. Beiamana gido utu da giro ara; beiae gido geena da mamato ara.
 33. Beiamana gido iji nadogo utu da sima ara? M. Asisi kaenato beiamana gido utu da sima natopo ara.
 34. Beiae gido iji nadogo geena da sima ara? M. Beiae gido geena da sima natopo ara.
 35. Utu da visido kaena anela ani ta? M. Utu da visido anela daginegana.

V.

36. God imo nasi da nogai piesiri? M. God eida nasi da na piesiri, na aida iai siga anate, edo sia edo, aide daedo utu da sima natopo anate.

37. Anela rori? M. Anela asisi beiamana.

38. Anela tamō kaena agori ta? M. Anela tamō ae.

39. Anela iai berari da iteri ta? M. Anela aida iai itera, God mi pipitevira awa.

40. God iai berari da isiri ta? M. God iai berari da isira, utu de butu de atoae esira.

41. Anela berari aida umo jiari dawa ta? M. Anela umo eve umo eve.

42. Anela dubo ewa ri ta? M. Anela dubo ewa natopo.

43. Anela nogai dubo ewa natopo? M. Anela iji berari God gido dubo ewa natopo eora.

44. Anela aida jibo rori? M. Anela utu da God da iai da tumodebai edo, butu da aida iai da siga eora.

45. Anela butu da nominomi God da iai da siga eori? M. Anela butu sima eora.

46. Anela aida jibo kaenato iai ta rori? M. Anela iji de muia de kaena sima eora, edo betano asisi kaenato utu da kudo aibara.

47. Kaena beiamana gido anela dubo ewa ta rori? M. Dubo ewa ari God da anela da iai isira, ebo dakaki gido, dubo wareregetevira awa.

48. Anela God gotori ta? M. Anela kaenato iji berari Mamō kaenato utu da dobu gotora.

49. Anela kaenato sima eora awa dao ro teori? M. Anela sima ari.

VI.

50. Anela berari ewari ta? M. Anela nenei bebegae.

51. Anela bebegae kae ro teoni? M. Anela bebegae kae daimona teona.

52. Godmi anela bebegae esisini ta? M. Godmi anela ewa esisina awa ge jidedo daimona esitera.

53. Daimona da badari averi? M. Daimona da badari Satan.

54. Daimona kaenato iai ro eori? M. Daimonā kaena bawora, kae beiae ouwa ago anate.

55. Nogai tedo daimona kaena buwori? M. God dumo eite kaena awa dubo banate jitora.

56. Daimona anela ago aikae isima erita? M. Daimona aikae isima era.

57. Kaena usibesi eteri ta? M. God kaena dubo budo pari tedo mana usibesi ana.

58. Jibo beiae ebo God dubo bae edo pari dave tae aro awa nogo ari? M. Ago die betedo Geena da wotaro, daimonami awa tadara.

59. Geena rori? M. Geena iai beiae, daimona, itora aida, ouden God idegae.

VII.

60. Ebo teka de aida dao tewasi? M. Ebo teka de aida dao Adam.

61. Edo eutu teka de? M. Eutu teka de aida dao Eve.

62. Adam nomi enu? M. Godmi aida tamo popomi ena edo do da wasiri putena.

63. Eve nomi enu? M. God Eve dedegimi ena Adam da demo da itevira awa.

64. God Adam najigo enu? M. God Adam matu ena aida jieda tausana idewago.

65. God Adam ae Eve de ida ago pienu? M. God awamane buro da piena aida dao Eden.

66. Eden rori? M. Eden iai beiamana butu da, Godmi awamane ebo sirigena awa.

67. Eden da mamato ari ta dubo beiae ari aida iai gubiri ta? M. Adam ae Eve de Eden da sima etero aida iai mamato ari ta dubo beiae ari gubae.

68. Adam ae Eve de Eden da sima natopo esiteri ta? M. Adam ae Eve de Eden da sima natopo ae.

69. Nogai Eden dodo aibua? M. Godmi Adam ae Eve de Eden da pienu wotewa aida jibo beiae ebo.

70. Jibo beiae Adam ae Eve de ewa awa rori? M. God da ge jidewa.

71. God da ge nomi jideu? M. God ni be idari ge tenu ijiwa.

72. Ni be idari beiae ta rori? M. Ni be idari beiae ae.

73. Adam ae Eve de ni be ijido nomi beiae eu? M. Godmi ni be da awa idorekae sisina.

74. God aida rorae beiae gido mina riroa nomi kubiri? M. Godmi Eden da pienu wotewa, aida mamato ari tuturo ena: edo aida rorae beiae ebo buro jiwae ewa.

75. Awa awari ta rori? M. Ago ae: aida rorae beiae gido awamane beiamana ae utu da tonai ae.

76. Rorae beiae dodo betari ta? M. Ago ae: aida rorae beiae da rorou Betari.

77. Godmi jipapa eiri Eden da sima natopo itari ta? M. Ago ae: betae edo utu da kudo piarate.

78. Adam ae Eve de da rorae gido kaena mamato eoni ta? M. Aida rorae beiae gido kaena berari mamato eona.

79. Adam ae Eve da rorae beiae gido nogai tedo kaena mamato eoni? M. Kaena aida mamai gido mamato eona.

80. Rorae kaenato gido kaena nogai buro jiwae eoni? M. Adam ae Eve de da rorae beiae gido kaena mamato eona.

81. Kaena nogai tamo memesi eviri, karu edo betoni? M. Adam ae Eve de da rorae beiae gido kaena mamato eona.

82. Rorae beiae itae edo kaena buro jiwae eteni ta edo tamo memesi esirita, edo karu edo betani ta? M. Ago ae: ebo butu da dubo beiamafia arate, edo betariae rata God utu da kudo aibarate.

83. Rorae beiae nogai tedo beiae? M. God beia-
mana, edo kaena rorae beiae edo God da ge jinona.
Awa gido rorae beiae beiae.

84. Adam da rorae beiae kaenamode ro enu?
M. Adam da rorae beiae gido, kaena beiae da wo-
wotona. Awa dao "Beiae tuturo ari" teona.

85. Ago de mai sini da wowotevira tonebari aida
asisi da iteviri ta? M. Ago de mai sini wowotevira,
aida asisi da tonebari itae.

86. Beiae aida doda isiri ta? M. Beiae aida doda
isira.

87. Mai aida jibo ika beiae ta? M. Mai be mai
da jibo beiae itae rata, aida iai beiae da buro isira.

88. Buro ada da kaena jibo beiae da kae tepo
wowositeni? M. Dakaki mammo ae ai de da buro rare,
kae tepo beiae da wowositena.

89. Mamo kaenato de ai kaenato dakaki averi?
M. Adam ae Eve de.

90. Beiae eiwa mai aida iai ago awa ge tesiri ta?
M. Ari isira, beiae eiwa teiare tae.

91. Ro beiaerami mai aida asisi da teiaini? M.
Sakaramenita Bapataito beiae mai aida asisi teiaina.

92. Mai Bapataito kubari edo nogo aini? M.
Bapataito tonebari piari beiae asisi da awa sinaina.

93. Mai Bapataito edo, ko aboda betedo, God utu
da gainita? M. Mai bapataito edo aboda betedo aida
jibo beiae itae rare, God utu da gaina.

94. Mamo kaenato de ai kaenato de dakaki mane
da jibo beiae kae dao ro teoni? M. Awamane da jibo
beiae kae dao teona Ebo da Durari.

95. Beiae tuturo da amo noda agori? M. Beiae
tuturo da amo, awa beiae Adam de Eve de da iai
ago wowotevira awa.

96. Beiae tuturo da amo rori? M. Beiae kae
wowotona awa.

97. Ekalesia da Kiki nomi eiwa kaenamode te-
viri? M. Jibo beiae da kae tepo wowositena edo
kaena duduno ari da mamai.

IX.

98. Mystery dakaki rori? M. Mystery dakaki Trinity ewagaewa.

99. Mystery da da gagane rori? M. Mystery da da gagane Pisi kubari.

100. Pisi kubari rori? M. Pisi kubari God da mai, Person tote awa ebo esisina.

101. God da mai, ebo ena agode, Dao ro. teu? M. Aida Dao Iesu.

102. Aida Dao nei rori? M. Aida Dao nei Keriso.

103. Iesu Keriso averi? M. Iesu Keriso Trinity ewagaewa da Person da da gagane, God da Mai awa ebo ena.

104. Trinity ewagaewa da Person tamode. edo idawara ebo enu? M. God da Mai Person da da gagane, awa ebo ena.

105. God da Mai nomi ebo enu? M. Utu da ago wotesiri eutumi kupusina.

106. Eutu ave avigesiri kupusini? M. Mary Kakara Kotopu Aida ai.

107. Iji node God da Mai utu da ago wotedo Mary Kakara Kotopu da Mai enu? M. Oru iji de tuvira tausana tote ago, kae March 25, kotebotona ago.

108. Iesu Keriso ida ago kupusini? M. Iesu Keriso Bethlehem da kupusina бага to da. sinopu da wawa da.

109. Iesu Keriso najigo kupusini? M. Christmas Day December 25, iji kaena Iesu Keriso kupusina awa kotebotona.

110. Ami aida jibo Mary Kakara Kotopu sima enu? M. Joseph Kotopu aida jibo, Mary Kakara Kotopu sima ena.

111. Joseph Kotopu Iesu Keriso da Mamo ia rori? M. Joseph Kotopu Iesu Keriso da mamo ae: Iesu da Mamo ebo ae ai akuta itevira.

112. Pisi kubari da Mystery ajige? M. Pisi kubari da Mystery evire: God da Mai Person da da gagane, ebo ena.

113. Aposetolo da Kiki da ge rori eiwa tesiri go-tona? M. Asisi Kotopu esiri watou jirido, Mary Kakarami kupusina.

X.

114. Mystery tote da gagane rori? M. Mystery tote da gagane Rorou piari.

115. Rorou piari rori? M. Rorou piari God da Mai Person tote da gagane mi kaena ebo betena.

116. Nogai tedo God da Mai, Person Da da gagane mi, kaena ebo betenu? M. Kaena toregai tedo.

117. Nominomi Iesu Keriso mi kaena toregenu? M. Satan da badari ari da kaena toregena.

118. Iesu Keriso nomi kaena ebo besisini? M. Iesu Keriso kaena ebo besisina, Orega da doritera awa.

119. Iesu Keriso najigo de kaena ebo betenu? M. Iesu Keriso Good Friday de betena.

120. Iesu Keriso da betari da kaena nogo enu? M. Iesu Keriso da betari Satan da badari ari da kaena toregena, beiae da iai ago mi, geena da iai agomi, kaena esiri kaviegema.

121. Iesu Keriso da betari ebo ebo berari utu da aibari ta? M. Ago ae rata ebo berari utu da mana aibira.

122. Aimi utu da aimaini? M. Jibo dave ebo-bomi akuta utu da aibara.

123. Jibo dave ebo amo averi? M. Ebo God dubo budo aida ge kera evira awa jibo dave ebo.

124. God Nomi kaena dubo bari, edo aida Ge kera ani? M. Iesu Keriso da kodade arimi ouwa kaena ebo betena awa.

125. Iesu Keriso dubo kaenato be besiri ta? M. Iesu Kerisomi dubo kaenato be besira nei ro ago ae.

126. Nogai tedo Iesu Kerisomi dubo kaenato be barate? M. Ouwa kae dubo bumo, ko kaena ebo akuta pisina.

127. Namode te ari botu da rora gae sirigedo kae eteni Iesu Keriso ebo? M. Kaena ge akuta tedo jibo beiae kaenato ajigane tae.

128. Iesu Keriso kaena ebo betedo kaena toregena, amo kae ro teoni. M. Rorou ari da Mystery.

XI.

129. Iesu Keriso nomi kaena ebo betenu? M. Iesu Keriso kaena ebo betena Orega da dewa awa.

130. Betari eiwa ae tamo memesi de daedo ta? M. Ae tamo memesi de daedo.

131. Aida betari da kaenamode ro enu? M. Aida betari Satan da badari ari, kaena toregena, beiae da iai ago, Geena da iai ago kaena esiri kavigema.

132. Iesu Keriso najigo de kaena ebo betenu? M. Iesu Keriso Good Friday de turo de 3 o'clock kaena ebo betena.

133. Aida betari kaena dubomi siteteni ta? M. Aida betari kae dubomi sitetena iji jiwa.

134. Nogo edo gido? M. Aida dubo bari kaena mode matu ge tedo sia ari edo kae awa dubo be bane tae.

135. Nomi kaena kodade ari kae dubomi be sitane? M. Orega kae gido, edo Iesu Keriso da betari kae dubomi be sitana.

136. Nomi imo kodade ari Iesu Keriso dubo itomi be sitari? M. Awa Orega da betena, na ebo.

XII.

137. Mystery tote da gagane rori? M. Mystery Trinity, de pisi kubari de Rorou ari de.

138. Trinity ewagaewa da Mystery rori? M. Trinity ewagaewa da Mystery God da kaki Person tamode.

139. Pisi kubari da Mystery rori? M. Pisi kubari da Mystery God da Mai, Person da da gagane mi ebo esisina.

140. Rorou ari da Mystery rori? M. Rorou ari da Mystery Iesu Keriso, God da Mai, Person Da da gagane mi Kaena ebo besisina.

141. Mystery da tamode, awa Kae kotemana amo awari ta? M. Ago ae rata, Berari Ekalesia mi tevira awa kae kotemane tae.

142. Nogai tedo berari Ekalesia mi kaenamode tevira awa kae kotemane tae? M. God mi tena Aida Ge awa awara awa tedo.

143. Ekalesia mi kaena atopapotevira amo kae noda tuani? M. Aposetolo da kiki da.

144. Aposetolo da kiki rori? M. Kotebari da dada ari.

145. Aposetolo da Kiki ajige? M. Na God ge be eona kavigari matawa itari. Amen.

146. Ari nadogo kiki emida isiri? M. Ge 12.

147. Kiki ito da ajigotota awa ro imo atopapoteviri? M. Dakaki na atopapotevira edo God Mamo ge be eona, na edo evira awa ae butu berari de. Dada gagane, God Mai, na toregetevira ae ebo berari de. Tote da gagane, God Asisi Kotopu na beiamana evira ae ebo berari Godmi sirigetevira awa.

